

PULA IMVULA

GROWING FOOD • PEOPLE • PROSPERITY

LEKWALO LA PGP LA BALEMIPOTLANA



*William Raphoto, molemirui wa ngwaga wa 2023 wa Grain SA/Absa/
John Deere Financial New Era Commercial Farmer of the Year.*



BALEMIRUI BA BA DIRANG THATA *ba galaletsa kgono ya bona*

ETSATSI LE LE PHATSHIMANG GO GAISA A MANGWE LA DITIRAGALO TSA GRAIN SA, LE NE LE TLHOMILWE KA 20 LWETSE KWA NAMPO PARK. LETSATSI LA MOLETLO LE LE NE LE TLOTLA MEFUTAFUTA YA AFORIKABORWA, MME GAPE LE KOPANO YA MEFUTAFUTA KA GO DIRISA BOLEMIRUI E E LENG TENG MAGARENG A BALEMIRUI.

Maikaelelo a go tlhoma moletlo o ke go supa temogo go balemirui ba ba simololang go dirisa bolemirui ba ba leng mo Lenaneo la Tlhabololo ya Balemirui la PGP mme e le ba ba tsweleletseng mo dikgaolong tse di farologaneng tsa ditiragalo tsa bolemirui. Go rulaganya kopano e baatlodi ba etetse dikgaolo tsotlhe tsa Aforkaborwa go supa ba ba ka gaisang.

Derek Mathews, modulasetilo wa Grain SA, o akgotsa ba bofelelo botlhe le ba ba kgonneng go gaisa, mme a re go tlhokwa go nna temogano go balemirui ba ba kgonneng go tswelela le fa go ne go le komelelo le pula go feta. 'Nnang baikgogomosi mme dirisa phatlha e nngwe le nngwe go tswelela pele. Tshara maikanyo mme mmogo re tlaa gola,' a rialo ka go fetsa.

LENANEO

Moeteledipele wa tlhabololo ya balemirui ya Grain SA, Dr Sandile Ngcamphalala, le Jeremia Mathebula, moemelasetulo wa Grain SA, ba tlhomile tshimolodiso ya Phahama Grain Phakama (PGP) ka kopano e. PGP ke letsogo ka bolona la Grain SA mme ke nthla ya matengteng a bokgwebo a ditiragalo tsa thulaganyo. Maikaelelo a lenaneo le ke go tsweleletsa balemirui go nna ba ba rekisang mme ba ntse ba eme ka maoto a bona ebile le go busetsa kitsa le kgono go balemirui go tsweleletsa bolemirui mo lefatsheng la rona.

Baemedi ba tsweleletso, Dr Langelihihle Simela (molaodi wa tlhabolokgwebo: Absa AgriBusiness Centre of Excellence), Sakhumzi May (moemedibolaodi wa molaodi: Agricultural Economics and Advisory, Landbank), Dr Nolwazi Mkize (moeteledipele wa ditiragalo Afrika, Bayer), Diale Tilo (molaodikgolo, Kgodiso Development Fund), Fortune Mathiba (molaodi wa ditiragalo mo John Deere Financial), Andries Wiese (Hollard Insure) le Marthinus Loock (molaodikgolo: AgriBusiness at Standard Bank) ba ne ba bua mabapi le botlhokwa ba tlhabololo ya balemirui le tiro ya dithulaganyo tse go ipapisa le tirisanommogo le Grain SA.

BALEMIRUI BA BA DIRANG...

BAGAISI KE...



1

1: Bagaisi ba kgaolo ya Subsistence Farmer of the Year (setshwantsho sa ka fa mojeng) e ne e le Thabisa Mthwayi, Beauty Gumbi Bisisiwe le Portia Msibi. Botlhe ba amogetse dineo tsa Backsaver Farming Equipment. Mogaisi, Portia, o akgolwa ke Derek Mathews.

MOLEMIRUI WA GRAIN SA SMALLHOLDER FARMER OF THE YEAR

Nkosinathi Hadebe, o dirisa bolemirui mo lefatsheng la magaeng gaufi le toropo ya Newcastle mo KwaZulu-Natal. Monna yo a neng a le lephodisa o dirisa bolemirui ka go jwala mmidi le go rua diruwa mme o supilwe go dirisa bolemirui ke batsadi ba gagwe. O ikopantshtise le setlhopha sa dithutiso sa Grain SA ka 2019 mme a simolola go dirisa dihekетara tse 2 tsa go jwala mmidi mo a tsweleletseng go dirisa dihekетara tse 15 a ntse a dirisa didiriswa tsa gagwe. Hadebe o hira kgaolo ya naga e e ka nnang dihekетara tse 230 e le mafulo a diruwa tsa gagwe.



2

MOLEMIRUI WA GRAIN SA POTENTIAL COMMERCIAL FARMER OF THE YEAR

Philani Khoza wa kwa Dukuza mo KwaZulu-Natal, o jwala mmidi le dinawa tsa disoya. O ikopantshtise le Grain SA ka 2014 mme ka go dirisa lenaneo la tshupetsatsela a simolola go jwala kgaolo ya naga e e ka nnang heketara e le 1 e e tsweleletseng go nna dihekетara tse 82. Maano a bokamoso a gagwe ke go oketsa palo ya dihekетara tsa naga tse a di hirang gaufi le toropo ya Bergville mme tota go kgona go ithekela polase e e leng ya gagwe.

Ditshwantsho ke tsa Lizele Snyman.



3

3: Bagaisi ba molemirui wa ngwaga wa Smallholder Farmer of the Year e ne e le Amos Mahlangu, Nkosinathi Hadebe le Siphiwo Mahlinza. Mogaisi ke yoo a ntse a tshega, Nkosinathi Hadebe – a na le mohumagadi Sibongile.

MOLEMIRUI WA NGWAGA WA GRAIN SA/ABSA/JOHN DEERE FINANCIAL SUBSISTENCE FARMER OF THE YEAR

Busisiwe Msibi o dirisa bolemirui gaufi le toropo Volksrust. O ikopantshtise le Lenaneo la Bontsi go feta la Grain SA dingwaga tse di fetileng tse di ka nnang robongwe. Ka setlha sa 2022/2023 o jwetse mmidi mo kgaolong ya naga e e ka nnang dihekетara tse 3 le dinawa mo kgaolong e e leng kgaolo ya heketara ya 0,5. Mo legaeng la Msibi ba soloefela go roba mmidi ka bokana bo bo leng ditono tse 14.

2: Bafeleledi ba molemirui wa Potential Commercial Farmer of the Year e ne e le Philani Khoza, Zoliwe Nombewu le Kopano Lentswetshipi. Mogaisi yo a itumetseng ke yo, Philani, a ntse a itumeletsse ba legae la gagwe le ditsala tsa gagwe.

MADE POSSIBLE BY THE MAIZE TRUST



4

4: Bafeleledi ba molemirui wa ngwaga wa Potential Commercial Farmer of the Year e ne e le William Raphoto, BothlaleTshabalala le Luvuyo Mbutho. Molemirui wa 2023 wa New Era Commercial Farmer of the Year, o itumetse le molodi wa tlhabololo wa kgaolu, Du Toit van der Westhuizen. Mo seatleng o tshotse sekii sa terekere e ntshwa ya John Deere 5075E.

MOLEMIRUI WA NGWAGA/ WA GRAIN SA/ABSA/ JOHN DEERE FINANCIAL NEW ERA COMMERCIAL FARMER OF THE YEAR

William Raphoto a gaisitse ba bangwe go amogela terekere e ntshwa ya John Deere 5075E. O jwala mmedi le disonobolomo mo kgaolong e ka nnang dihekетара tse 510 (dihekетара tse di leng 210 e le tsa gagwe) gaufi le Ditsobotla mo kgaolong ya Bokonebophirima. William o ikopantshitse le Grain SA ka 2005 mme a tsena 500 Ton Club ka ngwaga o.



5

5: Jeremia Mathebula le Dr Sandile Ngcamphalala ba akgolana ka lebaka la tshimolodiso ya lenaneo la PGP. ■

**Ditshwantsho
gape mo tsebeng
ya 8.**



**VALERIE CILLIERS,
MORULAGANYI,
SA GRAAN/GRAIN**



MAFOKO (A BOFELO) A GA...

Jenny Mathews



KE MAFELELO A NGWAGA MME GO BALEMIA BA TLHAKA BA BANTSII MO LEFATHSENG LA RONA KE TSHIMOLOGO YA SETLHA SE SENTSHWA. GO NNA, KE MAFELELO A SETLHA SA BOPHELO!

Morago ga go dira nako e e ka nnang dingwaga tse 18 mo Grain SA, ke nako jaanong go lebagana le dilo tse dingwe. Pelo ya ka e tletse maiphittlelo a a siameng tota a ke a amogetseng ka nako e. Ke leboga kgono ya go dirisanammogo le batho ba ba kgonang mo ditlhophaheng tsa Grain SA, ba ba nayang balemirui kitsi ba ntse ba tlhabolola balemirui jaaka ba tswelela.

Balemirui ba ba dirang ka kgono mo lefatsheng la rona ka bo phara ba ne ba ntse ba tlholtlheletsa mme ba nnaya phisego go tlhabolola tsa kgaolo ya bolemirui. Ke kwadile dipego, diathikile le dibukana tsa dithutiso. Ke dirisitswe go nna moatlodi go Molemirui wa Ngwaga mme ka bona go ntse go thatafala go tlhopha mogaisi wa bagaisi – ka gore balemirui ba bantsi ba ntse ba nna balemirui ba ba kgonang tse re di dirwang. Ke gateletse dinthla tse di tsamaelanang le tlhabololo ya balemirui mme ke bua le mapolotiki ke bapile le ba bangwe ba lona go a tlhalosetsa gore re tlhoka eng.

Ke rutile – mme ka rutwa gape!

Ke ne ke na le sesupetso mo phaposiborutelo ya me se se reng: ‘Se atlhole letsatsi le lengwe le lengwe ka tse o di amogelang mme le atlhole ka peo e o e jwalang.’ Tiro ya go tlhabolola e botoka. Gantsi ke dikgato tse pedi tsa go ya pele mme e le nngwe ya go boela morago. Gantsi mananeo a sephiri, dipolotiki le bogodu di tlosa ditrigalo tse di siameng. Dikgatelelo tsa tlhabololo di a fetoga mme go fetoga go thata. Mme go fetoga gape go siame, mme tshokologo e botoka go feta!

Go nako go balemirui bottle ba botsalano ba go uma tlhaka go ikopantsa, go nna le kitsi le go bua. Balemirui, tsweetswee dirisa ditsela tsa go buisana mme netefatsa gore o a utlwala! Bua go utlwala ka Grain SA/Phahama Grain Phakama. Bolela ba barulaganyi le batlhamalatsi ba melao ba gago mabapi le mosola wa Lenaneo la Tlhabololo ya Balemirui. Ba bolele gore o batla go ipapisa le mang mo tseleng e ya tlhabololo! Jaaka Morena Martin Luther King rile: ‘Maphelo a rona a simolola go fela ka letsatsi le re didimalang mabapi le dilo tse di leng bottlkowa.’

Ke leboga go managane kgono ya go direla balemi ba tlhaka mo lefatsheng la rona. A Modimo a le sireletse mme pula e nele tse le di dirang.

– *Jenny Mathews o ne a dira a le mongwe wa Setlhophaa sa Ditrigalo tsa Tlhabololo ya Balemirui go tloga 2005 go fitlha 2023, e le modulasetilo dingwaga tse di ka nnang supa. Katso ya gagwe go Pula e tlaa tlhogegwa gagolo.* ■



Atlhola maemo a mebele ya dikgomo

PALOTEKANYO YA MMELE (BCS) YA DIKGOMO E KGONNTSHA BALEMIRUI GO ATLHOLA MAEMO A BOKANA BA MAFURA A A BOLOKILWENG MO MMELENG WA KGOMO KA DINAKO TSE DI FAROLOGANENG TSA DIKGATO TSA GO E DIRISI. FA GO ATLHOLWA KA DIKGAOOLONAKO TSE DI RILENG TSA GO DIRISWA, KITSO E E AMOGELWANG E KA DIRISWA GO LAOLA GO SWETSA MABAPI LE TIRISO YA DIJO. MAIKAELELO A BCS KE GO BONA TEKANYETSO E E SIAMENG YA MAEMO A BOKANA BA MAFURA A A BOLOKILWENG MO MMELENG WA SERUIWA SE SE PHELANG.

Go botlhokwa go molemirui go tlhola a tlhokometse dikgomo tsa gagwe le go dirisa nako go nna le tsona gore di sale di nonne, mme ke eng se molemirui a tshwanetseng go se lebelela fa a ntse a le mo dikgomo tsa gagwe? Ntlha e e leng bothhokwa gagolo ke go tlhomamisa gore kgomo e nngwe le e nngwe e kgona go ja jaaka e rata ebile le gore maabane dimpa di ne di tletse. Go bothhokwa tota, ka dijo tse di lekaneng di tlaa tlisa namane e e siameng. Mme jalo, go bothhokwa go lebelela BCS ka gore go thusa molemirui go sala a na le kitso ya gore go direga eng jaaka ngwaga e ntse e tswelela.


KOTLO LE BOLAODI

Baruadikgomo ba ka dirisa BCS go laola kotlo le tiriso, mo go tlaa netefatsang gore dikgomo tse di ruiwang di nne mo maemong a siameng ka dikgato tse di faroceaneng tsa sediko sa go di dirisa. Go ka kgonwa go fetola maemo a dikgomo tse di seng mo maemong a a tlhokwang jaaka go tlhokwa. Palotekanyo ya mmele e ka dirwa botoka fela fa go sa kgonwa go lekalekantsha boima ka go dirisa sekale.

Mokgwa wa go dirisa BCS o ithutwa ka bonak mme o mosola tota fa o diriswa gape le gape mo motlhapeng o o rileng ka dingwaga jaaka di latelana. Tiriso ya thekenoloji jaaka go tsaya ditshwantsho gape le gape ya kgomo e e rileng go ka thusa go bona phethogo mo maemong a kgomo eo.

BCS YA DIGOMO TSA NAMA

Phethogo ya maemo a BCS ya dikgomo tsa nama e na le dintlha tsa tiriso tse do faroceaneng. Maemo a dikgomo ka nako ya go tsala dinamane e bapiswa le maemo a kgono ya go naya mašwi ka go lekana ya kgomo e nngwe le e nngwe, mme gape le maemo a lerole le le tsalwang. Bothata ba go sokola go tsala bo oketsegfa dikgomo di nonne go feta, tota fa di sa le meroba, le gale maemo a gantsi a ingwafatswa go feta e le lebaka la go nna le mathata go kgona go tsala mo dikgomong tse di godileng.



Dintlha tsa katlhola tsa go dirisa BCS.

Le gale, maemo a dikgomo tse di diriswang go tsala dinamane a tsamaelana le kgono ya go tsala mabapi le palo ya go gwelwa pele e kgona go dusa, nako gare ga go tsala gape le palo ya dikgomo tse di sa duseng ka nako ya go tsala dinamane.

Dipalo di diriswa mo lenaneo la BCS go supa maemo a go nona kgotsa go bopiwa ga mele ya kgomo. Lenaneo la palotekanyo la dikgomo tsa nama le na le maemopalo a nngwe go tlhano, ka nngwe e e supang go bopama mme tlhano e e supang go nona thata. Kgomo e e nang palotekanyo ya BCS e e leng ya boraro e mo maemong a bogare. Katlhola e supa maemo a lerapo la mokotla, dikgopo, marapo a dinoka, motlhama, marapo a mogatla le dirope, e le dintlha tse dingwe tse di diriswang go supa BCS jaaka go supiwa mo **Setshwantsho sa 1**.



Lebelele dintlha tse di latelang fa maemo a palotekanyo ya mmele wa kgomo e rulagangwa (Bona Sesupetso sa 1 le 2):

- Lerapo la mokotla: Le phaphathi kgotsa go na le thotanyana? A o bona mo go keketegileng?



Dikgomo tse ditshesane di bonala di le bogale, sekhetlo mme di bopame, mo tse di nonneng di bonala di le borethe di le kgaraga mme marapo a sa bonalwe.





Sesupetso sa 1: Ditshupetso tsa go tlhomamisa BCS ka go tobetsa-tobetsa mafura.

Motswedi: <https://www.pakdairyinfo.com/bcs.htm>

- Dikgopo tse ditelele: A o bona dikgopo tse ditelele? Di a bonegwa, o bona tse kae?
- Dikgopo tse di khutswane: A o bona dikgopo tse dikhutswane? Di utlwagala jang? A mafelelo a dikgopo a bogale kgotsa a potokwe?
- Marapo a dinoka: A marapo a dinoka a potokwe kgotsa a sekhutlo?
- Motlhama: A kgaolo gare ga marapo a dintlha le marapo a dinoka e phaphathi, e tseneletse kgotsa e dikgobel?
- Marapo a dintlhana: A ntse dintlhana, potokwe kgotsa sediko?
- Mogatla: A go na le dikgabela mathoko a mo mogatla o tsenang gare ga marapo a dintlhana? A ke popego e e leng V kgotsa e e leng U?
- Serope: A kgaolo e e bobetsegile, phaphathi kgotsa potokwe? A popego ya mosifa e a bonala?

Go dirisa lenaneo le go botlhofo: Dikgomo tse ditshesane di bonala di le bogale, sekhutlo mme di bopame, mo tse di nonneng di bonala di le borethe di le kgaraga mme marapo a sa bonalwe.

Go bapisa BCS e ntshwa le BCS ya pele, pharologano e ka le-kalekantshwa mme disiamisi di ka diriswa. Go fetola malatswa kgotsa dikampa mo di fulang go ka fetola maemo a BCS mme gape le maemo a palo ya dinamane tse di bonwang. Palotekanyo ya e nngwe kgotsa tse pedi e ka tokafala ka go dirisa boupi ba mmidi mo kotlong.


Gakologelwa gore dimpa tse di tletseng kgotsa go dusa go ka dira gore kgomo e lebege e kete e nonne.

Balemirui ba leke go emisa palo ya BCS ya dikgomo tse namagadi gare ga bobedi le bone, ka maikaelelo a go nna raro. Fa go ka kgonwa, dikgomo di tlaa tsala dinamane tse di siameng mme kgomo e nngwe le e nngwe di tlaa naya mašwi ka go lekana go godisa namane e e siameng tota. Maemo a mmele, tota ka nako ya go tsala, a na le di-tswamorago tse di rileng fa go tswalwa dinamane.

Tsaya nako e e ka nnang ngwaga ka go tlhola o rulaganya palote-kanyo ya dikgomo tse namagadi (kgao e e ka emeleng tsotlhe) gape le gape ka nako ya setlha. Go tlaa go thusa go sweetsa ka kgono ma-


Condition score 1

Backbone prominent
Hips and shoulder bones prominent
Ribs clearly visible
Tail-head area recessed
Skeletal body outline




Condition score 2

Backbone visible
Hips and shoulder bones visible
Ribs visible faintly
Tail-head area slightly recessed
Body outline bony




Condition score 3

Hip bones visible faintly
Ribs generally not visible
Tail-head area not recessed
Body outline almost smooth




Condition score 4

Hip bones not visible
Ribs well covered
Tail-head area slightly lumpy
Body outline rounded



Condition score 5

Hip bones showing fat deposit
Ribs very well covered
Tail-head area very lumpy
Body outline bulging due to fat



Sesupetso sa 2: Ditshupetso tsa dipalo ka ga maemo a mmele.

Motswedi: https://www.researchgate.net/figure/Cattle-body-condition-scoring-system-Anon1994-Body-condition-scores-BCS-of-1-5-were_fig14_267948147

bapi le go kgwisia, koketso ya kotlo, furu le tse dingwe tsa go laola tse di ka diregang go fetola maemo a mmele.

Go tswelela go laola go thusa balemirui go tshwara dikgomo tsa bona ka tshwanno fa ba dirisa maemo a palotekanyo ka tshwanno, mme ba dumela gore tiragalo ya go rua dikgomo e kgonegwe. ■



PIETMAN BOTHA,
MOITSEANAPE WA
BOLEMIRUI KA BOENE

Tebelelo ya-TSENELELO ya setlha sa go uma mmidi se se fetileng

MO KGAOLONG KA BOGOLO YA GO UMA MMIDI, SETLHA SA GO JWALA SE FETILE. A RE BOELENG MORAGO RE LEBELELENG SETLHA SA GO UMA MMIDI SA 2022/2023.

Fa re boela morago go setlha se se fetileng, ditlha tse nne tse di fetileng di tlala tshwantshwa le sona ka go di kgaoganya ka dikgaolo tse pedi tse di tshwantshwang.

- Kgaolo ya ntlha e tlala gatelela kgono ya topo le theleletso, ka go lebelela tse di latelang: Thoto ya tshimologo, thoto ya mafelelo, theleletso ka bogotlhе, topo ka bogotlhе le thoto-go-diriswa ka palobolekgolong.
- Kgaolo ya bobedi e tlala gatelela ka fa gongwe mmidi o o fetotsweng le thomelonle ya teng, go lebelela tiriso ya batho, ya diruiwa/madirelo le thomeleontle. Maikaelelo ka athikele e ke go lekalekantsha kgono mo ngwageng le kgono ya dingwaga tse di fetileng.

TOPO LE THELELETSO


Sesupetso sa 1 se supa topo le theleletso ya mmidi mabapi le thoto ya tshimologo (mmala o motalalegodimo), theleletso ka bogotlhе (mmala o monamune), topo ka bogotlhе (mmala o moserolwane), thoto ya mafelelo (mmala o motalalegodimo-mokgona) mme le thoto-go-diriswa ka palobolekgolong e le mmala o motalatlhaga.

Go tshwantsha bokana ba thoto ya tshimologo le thoto ya mafelelo, go ne go supa gore go ne go na le koketsso go tloga mo setlheng sa 2020/2021 go tswelela go sa 2022/2023. Ntlha e e bonala gape ka theleletso ka bogotlhе, mme fela fa go lebelelwа setlha sa 2019/2020 go sa 2021/2022. Ka setlha sa 2022/2023, go tlala nna theleletso e e kwa tlase ka ntlha ya go jwalwa ka go fokotsegа mme, jalo, thoto ya tshimologo le ya mafelelo e e kwa tlase ya setlha sa 2023/2024.

Molao wa tiriso ke gore thoto-go-diriswa ka palobolekgolong e tshwanetse go naam o go ka nnang 12% ka se nne le kgatelelotlase

1


Topo le Theleletso ya mmidi.



Motswedi: SAGIS, NAMC, Grain SA

2

Thomelonle le mmidi o o fetotsweng.



Motswedi: SAGIS, NAMC, Grain SA





ya tlhotlhwa. Jaaka re ka bona mo Sesupetso sa 1, thoto-go-diriswa ka palobolekgolong e godimo ga 20%, mo go reng go na le bokana ba go uma ba mmidi go feta mme o tshwanetse go romelwa ntle. Setlha sa 2023/2024 sa lebelelwapele go nna thoto-go-diriswa ka palobolekgolong e e ka nnang 19%, mo go siameng mabapi le molao wa tiriso mme ebile e botoka mabapi le 27% ya setlha se se fetileng.



Setlha sa 2023/2024 sa lebelelwapele go nna thoto-go-diriswa ka palobolekgolong e e ka nnang 19%, mo go siameng mabapi le molao wa tiriso mme ebile e botoka mabapi le 27% ya setlha se se fetileng.



PHETOGO LE THOMELONTLE

Sesupetso sa 2 se supa mmidi o o fetotsweng le o o rometsweng ntle, le go lebelela tiriso ya batho (mmala motalalegodimo), ya diruiwa/madirelo (mmala o monamune) le thomeleontle (mmala o mosetlha).

Glo tloga setlha sa 2019/2020 go tswelela, thomelontle e oketsegile go fitlhela setlha sa 2022/2023, mo go tsamaelantshwa le thoto-go-diriswa mo Sesupetso sa 1. Fa bokana ba thoto-go-diriswa bo le godimo, bokana ba thomelontle le bona bo ne bo le godimo.

Go botlhokwa go lemoga gore ka setlha sa 2023/2024, bokana ba thomelontle bo bonala gore bo ka fokotsega ka bokana ba thoto-go-diriswa ba mmidi bo supa gore bo ka fokotsega mabapi le phokotso ya theleletso a a kwa tlase. Sesupetso sa 2 se supa gore tiriso ya mmidi ya diruiwa le mo madireleong e sala e sa fetoge ka ditlha tse tlhano tse di fetileng, mme bokana ba go diriswa ke batho bo ne bo ntse bo fetoga ka setlha go setlha se se latelang.

BOKHUTLO

Setlha sa 2022/2023 se ne se gaisana mabapi le dintlha tsa go uma le topo, le fa thoto-go-diriswa e fokotsegile. Mo tikologong ya go fetola mmidi le thomelontle, go sala go sa fetoge gagolo go glo tloga mo setlha sa pele. Ka setlha sa 2023/2024, go lebega gore bokana ba thomelontle le theleletso bo ka fokotsega, le fa bokana ba topo bo sa fetoge, mo go tlisetsang phokotso ya bokana ba thoto-go-diriswa ka palobolekgolong. ■

Go bona kgatiso ya Seesemane
ya Pula ya kgwedi e, dirisa
khouto ya QR.



JOHAN TEESSEN,
MOEKONOMICARE,
GRAIN SA



Barulaganyi

PHAHAMA GRAIN PHAKAMA: PRETORIA
PO Box 74087
Lynnwood Ridge
0040
■ 086 004 7246
■ www.grainsa.co.za

MOLAODI WA GO RULAGANYA

Dr Sandile Ngcamphalala
■ 082 862 1991 ■ Ofisi: 012 943 8296
■ sandile@grainsa.co.za

MORULAGANYI WA PHATLALATSO

Liana Stroebel
■ 084 264 1422 ■ Ofisi: 012 943 8285
■ liana@grainsa.co.za

MOPATI WA GO GATISA

INFOWORKS MEDIA PUBLISHING
Mothusi wa go rulaganya – Louise Kunz

■ louise@infoworks.biz

Moeteledipele wa lesomo – Johan Smit
■ 082 553 7806 ■ Ofisi: 018 468 2716
■ johan@infoworks.biz

Go gatisa – Elizma Myburgh, Jesseme Ross



Lenaneo la Tlhabololo ya Balemirui ya PGP

MOKOPANYI WA TLHABOLOLO

Jacques Roux
Foreisetatabophirima (Bethlehem)
082 377 9529
Jacques.rouxjr11@gmail.com

Johan Kriel
Foreisetatabophirima (Bloemfontein)
■ 079 497 4294 ■ johank@grainsa.co.za

Jerry Mthombothi
Mpumalanga (Mbombela)
■ 084 604 0549 ■ jerry@grainsa.co.za
■ Kantoro: 012 943 8289 ■ Smangaliso Zimbili

Jurie Mentz
Mpumalanga/KwaZulu-Natal (Louwsburg)
■ 082 354 5749 ■ jurie@grainsa.co.za
■ Kantoro: 012 943 8218

Graeme Engelbrecht
KwaZulu-Natal (Dundee)
■ 082 650 9315 ■ graeme@grainsa.co.za
■ Kantoro: 012 943 8287 ■ Nkosinathi Mazibuko
Phumzile Ngcobo (Mothusiofising: Dundee)
■ 060 477 7940 ■ phumzile@grainsa.co.za
■ Office: 012 943 8287 ■ Nkosinathi Mazibuko

MJ Swart
Kapabophirima (Paarl)
■ 072 090 7997 ■ mj@grainsa.co.za
■ Kantoro: 012 943 8285 ■ Hailey Ehrenreich

Du Toit van der Westhuizen
North West (Lichtenburg)
■ 082 877 6749 ■ duoit@grainsa.co.za
■ Kantoro: 012 943 8290 ■ Lebo Mogatlanyane

Eastern Cape (Kokstad & Mthatha)
Cwayita Mpotsi (Mothusiofising: Mthatha)
■ 078 187 2752 ■ umthatha@grainsa.co.za
■ Kantoro: 012 943 8277

PULA/IMVULA E TENG KA DIPUO TSE DI LATELANG:

Setswana, Sesemane, Sesotho, Sezulu le Sethosa.

Articles written by independent writers are the views of the writers and not that of Grain SA.

THIS PUBLICATION IS MADE POSSIBLE
BY THE CONTRIBUTION OF THE MAIZE TRUST



Letsatsi la moletlo la 2023: : Re ne re le teng!

